

Massutra dibawa dalam mesyuarat agung

PENCAK SILAT
PERSEKUTUAN Silat Singapura (Persisi) akan membawa perkara Majlis Seni Reka dan Sukan Tradisional (Massutra) untuk dibincangkan dalam mesyuarat agung dwitahunannya pada Ahad ini.

Mereka akan membincangkan apakah sumbangan selanjutnya yang boleh diberikan oleh Persisi sebagai salah sebuah badan pendiri Massutra itu.

Setiausaha Agung Persisi, Encik Johari Uriff, berkata bahawa perkara itu perlu dibincangkan sekalipun mereka tidak tahu kedudukan Massutra sekarang.

"Apakah kedudukan Massutra dalam Perkampungan Melayu tidak lagi kami ketahui perkembangannya. Tetapi setakat ini Persisi telah menyiapkan rakaman video tentang pelbagai perguruan silat yang boleh ditayangkan di Perkampungan Melayu itu," tambah Encik Johari lagi.

Video yang telah disediakan itu mengandungi persembahan silat dari perguruan Al-Haq, Bawean Asli, Belalang, Setia Bakti, Pancasila, Seni Silat Gayung dan Pencak Sunda.

Encik Johari juga berkata Persisi kini sedang menyiapkan pula sebuah mesyuarat mengenai silat untuk dipaparkan kepada Persekutuan Melayu.



• HAJI ABDUL RAHIM
Menggantikan Dr Haji
Ya'acob Mohamed

Hj Rahim dilantik presiden baru

HAJI Abdul Rahim Dayan telah dipilih dengan sebulat suara menjadi Presiden Persisi.

Beliau adalah 'orang lama' dalam pergerakan Persisi dan juga merupakan salah seorang pengasas persekutuan itu.

Pemilihan dalam mesyuarat agung Ahad lepas itu dengan sendirinya memastikan desas-desus bahawa seorang Anggota Parlimen akan dilantik untuk memenuhi jawatan yang dikosongkan oleh Dr Haji Ya'acob Mohamed.

Seorang lagi anggota pengasas yang telah memegang jawatan sebagai setiausaha agung sejak penubuhannya 10 tahun lalu, Encik Johari H.M. Uriff, telah dipilih lagi untuk meneruskan tugas yang sama bagi penggal dua tahun lagi.

Timbalan Presiden disandang oleh tokoh lama di Persisi, Haji Ismaon Haji Ali, juga pengasas Persisi sementara naib presidennya ialah Encik Md Seain Madsom.

Penolong Setiausaha Agung ialah Encik A. Shukor Rais; Bendahari, Encik Tumiran Tangat dan Penolong Bendahari, Cik Shaifa M. Ashraf.

Haji Rais Taib dan Encik Md Razif Ismaon telah dipilih menjadi juruaudit persekutuan tersebut.

Anggota-anggota lain jawatankuasa Persisi ialah Cik Shamsiah Hosni, Encik Omar Md Dali, Encik Lehman Ahmad, Haji Mohd Jaafar, Haji Osman Sujak, Haji Suib Selamat, Encik Khamin Said, Cik Zubeda dan Haji Mohd Sadli Mohd.